

**ANTOLOHIYA**

# **Himig na hindi naririnig; mga salitang hindi masambit.**


**Shanah Claire V. Borja  
(BSE - 3C)**



**Ang "Himig na hindi naririnig; mga salitang hindi masambit" ay isang makapangyarihang paglalarawan ng mga damdamin, kaisipan, at salaysay na nananatili sa loob ng isang tao—mga bagay na nais ipahayag ngunit hindi madaling mabigkas o maiparating.**

**Sa konteksto ng paggawa ng tula, ito ay sumisimbolo sa proseso ng pagsasatitik ng mga damdaming mahirap bigkasin o maipaliwanag sa ordinaryong wika. Ang tula ang nagsisilbing boses ng "hindi naririnig" at tagapagbukas ng "mga salitang hindi masambit."**

**Ito ang aking ginawa, ito ang aking mga tula at nawala sa pamamagitan nito, ang aking himig ay iyong marinig, at masambit na ang mga salitang hindi masambit.**



# Mga Gawaing Panulaan

Ipinasa ni:  
**Borja, Shanah Claire V.**  
**(BSE-3C )**

# Mga Gawaing Panulaan



1. Akrostik
2. Bugtong – 10
3. Makabagong Salawikain/kawikaan/kasabihan – 10
4. Uri ng Tugmaan – 4 na saknong
5. Uri ng Sukat - 4
6. Balangkas ng Katutubong Tula – 3 saknong
7. Tulang Pembansa
8. Tulang Makabayan
9. Talindaw
10. Bulong
11. Kumintang
12. Balitaw
13. Diona
14. Dung-aw
15. Sambotani
16. Kundiman
17. Dalit
18. Elehiya
19. Soneto
20. Awit
21. Oda
22. Rawitdawit
23. Tulang Pasalita (Spoken Poetry)
24. Tigsik
25. Tulang Modernista
26. Malayang Taludturuan



# Akrostik

Borja, Shanah Claire V.  
(BSE-3C)



Ako si Shanah. at ito ang kuwento ko.

S  
H  
A  
N  
A  
H

- Sa pagsulat ng kuwento ng buhay,
- Halaga ng bawat sandali ay mahalaga sa aking paglalakbay,
- Ang mga pangarap na kumikinang na tila bituin,
- Nagniningning at nais kong abutin,
- Ang aking pagkatao ay sumasalamin sa,
- Hangarin at layunin na kailangan ay mapasa akin.

C  
L  
A  
I  
R  
E

- Cheerful, isang katangian na mayroon ako,
- Laging masaya at puno ng pag-asa,
- Ang katapangan sa anumang hamon ay aking ipapakita,
- Inilalaban ang prinsipyo at karapatan sa kahit sino pa,
- Rosas ang aking paboritong kulay,
- Espesyal na kumakatawan sa personalidad kong makulay.

V  
E  
R  
D  
E  
Y

- Vibranteng anyo na sumisimbolo sa aking katatagan,
- Eleganteng ginto gaya ng aking busilak na puso
- Rumaragasang pagnanais na tagumpay
- 'Di pagagapi sa mga pagsubok sa buhay
- Enerhiya't dedikasyon ang iaalay
- Yakap ng puso't lakas ay handang ibigay.

B  
O  
R  
J  
A

- Buhay na nilikha ng Panginoon ko,
- Obra maestra ang aking pagkatao,
- Regalo na hindi matatawaran ng ilang sentimo,
- Joy mula sa pamilya ang nagbibigay lakas sa paglaban ko,
- Angking talento, pagtitiwala, at talino ang pundasyon tungo sa pagkamit ng mga pangarap ko.

# Bugtong

Borja, Shanah Claire V.  
(BSE - 3C)

Gawa sa arnibal at tokwa  
Ito'y may sago pang kasama  
Mas masarap kung mainit pa  
Habulin manong nagtitinda



Saggot: Taho

Iba't ibang klase ang mayroon sila  
Sukat at lasa ay hindi rin pareha  
Sa hapag ay hindi ito nawawala  
Prutas na may puso siya lang nag-iisa



Sagot : Sagipung

Sa mga kahoy ito ay ginawa  
Sa likod bahay ay makikita  
Tahanan ng ating mga alaga  
Sila'y nag-iingay sa umaga



Sagot : Kulunggan ng manok

**Ito ay paboritong meryenda  
Asukal ay binalot sa saba  
Matamis, ito'y nakatuhog pa  
Bawat kagat ay sarap ang dala**



**Sagot: Banana Que**

**Itinanim sa kalupaan  
Taglay nito ay mga sustansya  
'Pag binalatan, makikita  
Maputi't masarap na bunga**



**Sagot: Mani**

**Kakaning may iba't ibang kulay  
Laki ay sa'yo nakasalalay  
Niyog sa ibabaw nakalagay  
Sa bawat kagat, ligaya'y taglay**



**Sagot : Saging-sapin**

**Kalabaw ang palaging kasama  
Mabibigat ang kaniyang dala  
Wala itong makina't gasolina  
Ngunit ito'y umaarangkada**



**Sagot : Karosa ug kalabaw**



# **MAKABAGONG SALAWIKAIN/**

## **KAWIKAAN/ KASABIHAN**

Borja, Shanah Claire V.  
(BSE-3C)



### **Kawikaan**

- 1. Ang mabuting gawa ay gantimpalang hindi mawawala.**
- 2. Ang taong sa Diyos ay malapit, buhay ay hindi papait.**
- 3. Pag-ibig sa Diyos ang puhunan, tiyak hindi ka niya iiwan.**
- 4. Sa piling ng Panginoon, payapa ay naroon.**

### **Salawikain**

- 5. Ang hirap ay gumagaan, kapag nagtutulungan.**
- 6. Ang malasakit sa puso nagsisimula, hindi sa salita.**
- 7. Ang buhay ay hindi laging maginhawa, kaya magsumikap ka.**

### **Kasabihan**

- 8. Ang batang tapat, tiwala'y kayang i-angat.**
  - 9. Ang mga taong may tiyaga, sila ay pinagpapala.**
  - 10. Sa hirap at ginhawa, kaibigang totoo'y makikita.**
- 
- 

URI NG TUGMAAN

# Kislap ng Hiwaga

Borja, Shanah Claire V.  
(BSE-3C)



**Sa lilim ng puno ako'y nakakita,  
Nang bituing kay liwanag, tunay na kay ganda,  
Ang hangin ay malamig, tila musika,  
Sa gabing tahimik na puno ng hiwaga.**

**Tala na masarap pagmasdan,  
Obra na hindi matutumbasan,  
Sa gabi'y kumikislap, saya'y walang hanggan,  
Ito'y biyaya mula sa kalangitan.**

**Iba't ibang hugis at anyo,  
Malapit man o malayo,  
Ika'y mapapangiti sa kariktan na dulot nito,  
Saya'y hatid sa puso mo.**

**Talagang masarap pagmasdan,  
Maganda ngunit hindi mahahawakan,  
Kumikinang sa kalangitan,  
Hanggang tingin na lamang, dahil hindi ito makakamtan.**

**URI NG TUGMAAN**

# **Sining sa Papawirin**

Borja, Shanah Claire V.

(BSE-3C)

Masilayan iyong iba't ibang kulay,  
Bughaw, puti, rosas, at lila, ito ang taglay,  
Sa dapithapon, gintong ningning ang alay,  
Sa kalangitan ito ay nagbibigay buhay.

Payapang tanawin,  
Nagpapakalma sa puso't damdamin,  
Tunay nga na ang Diyos ay malikhain,  
Likhang sining ay obra maestra sa paningin.

Katahimikan na dala sa puso'y damhin,  
Iba't ibang kulay sa papawirin,  
Ay aliw sa aking paningin,  
Hatid ay saya sa pagtitig sa tanawin.

Paghihintay na puno ng pangarap at pagnanasa,  
Kalangitan ay magdadala ng bagong sigla at pag-asa,  
Ang magkakaibang kulay, kariktan ay dala,  
Kapayapaan ang dulot sa aking mga mata.

# **URI NG SUKAT**

**Borja, Shanah Claire V.  
(BSE-3C)**



## **"Tayong dalawa"**

**Wawaluhin ( 8 na pantig )**

**Pag-ibig na walang wakas,  
Pangako na ito'y wagas,  
Hawak-kamay, magkaisa,  
Sa hirap man o sa saya.**

## **"Ikaw"**

**Lalabindalawahin (12 na pantig)**

**Ikaw ay mistulang anghel na bumaba,  
Sa puso't nagbigay liwanag at saya,  
Sa bawat ngiti mo'y may taglay na ganda,  
Na tila langit ang aking nadarama.**



# **URI NG SUKAT**

**Borja, Shanah Claire V.**  
**(BSE-3C )**

## **"Paglalakbay"**


**Lalabing-animin (16 na pantig)**

**Ang buhay ay isang mahabang paglalakbay ng tao,  
May saya at lungkot na kasama rito sa pagsuyo,  
Ngunit sa bandang dulo, aral ang pinakamatamis,  
Bawat sugat ng kahapon, ay may panibagong bihis.**

## **"Ikaw"**

**Lalabingwaluhin (18 na pantig)**

**Sa gitna ng mga unos, kaguluhan, at dilim sa paligid,  
Tiwala at pananampalataya ang siyang maging tinig,  
Hindi man makita kung anong klase ng bukas ang darating,  
Sa Diyos na makapangyarihan, tayo ay dapat dumaina.**



# **BALANGKAS NG KATUTUBONG TULA**

**Borja, Shanah Claire V.**  
**(BSE-3C )**

## **Pasuhay**

**Magwawakas din ang dilim,  
Tagumpay mapapa sa'tin,  
Labanan ito't kayanin,  
Liwanag ating habulin.**

## **Patimbang**

**Sa ginhawa ay kilala,  
Samu't sari na kamusta,  
Sa paghihirap mag-isa,  
Sarili, kapanalig n'ya.**

## **Pasuysoy**

**Kaliwa't kanan na gulo,  
Lahat tayo ay dehado,  
Manatili tayong tao,  
Piliin magpakatao.**





TULANG PAMBANSA

# Tinig ng Pagbabago

Borja, Shanah Claire V.

(BSE-3C)



Kaway, ngiti, at pangangamusta,  
Senyales ng pangangampanya'y nagsisimula na,  
Mga pangako ay naglipana,  
Lider na inaasahang magbibigay ginhawa.

Sa pagkapanalo, tila pangako'y napako,  
Ito'y madaling naglaho,  
Sa gitna ng kahirapan, pangarap ay nagtago,  
Dahil dito patuloy na nahihiрапan ang mga Pilipino.

Nawa'y imulat na ang mga nakapikit na mata,  
Sa mga hinahalal na tumatakbo sa problema,  
At kaban ng bayan ay ibinubulsa,  
Tumindig, bumoses, at tayo'y magkaisa.

Uunlad ang Pilipinas,  
Kung ating pipiliin ay tamang landas,  
Tamang tao at serbisyo,  
Para sa ating pagbabago.

TULANG MAKABAYAN

# Bayani ng Lupang Tinubuan

Borja, Shanah Claire V.

(BSE-3C)

Magigiting na bayani ang tawag sa kanila,  
Buong puso't kaluluwa,  
Ang inialay para sa ating bansa,  
Kaya kasarinlan at kalayaan ay nakamtan na.

Ginamit ay iba't ibang sandata,  
Kalasag, itak, papel, at pluma,  
Kasakiman at katiwalian ay nilabanan nila,  
Sila'y taas noo na tumindig at itinaas ating bandila

Laban ay hindi nila inatrasan,  
Sila'y nagpakita ng tunay na kagitingan,  
Dugo, sakripisyo, at kahirapan,  
Lumaban nang patas para sa ating karapatan.

Sila'y makabayan, mahal ang lupang tinubuan,  
Kaya mga nagawa nila sa bayan,  
Ay hindi matatawaran,  
Lubos na pasasalamat sa kanilang katapangan.

Mga tao na binuwis ang buhay,  
Kaya ating kasaysayan ay nagkaroon ng kulay,  
Dugo ng kabayanihan, sa atin ay manalaytay,  
Tularan sila na sa bayan ay mapagmahal na tunay.

**TALINDAW**

# Sagwan nang Sagwan

Borja, Shanah Claire V.

(BSE-3C)

**Pagsilip ng umaga,  
Sa dalampasigan pumupunta,  
Upang bangka ay paganahin na,  
Nang trabaho'y masimulan na.**

**Lambat at pangsagwan,  
Ito'y dalhin na,  
Upang mga isda ay ating makuha,  
Mula sa mayamang karagatan ng pag-asaya.**

**Sagwan dito, sagwan doon,  
Gawi na namin iyon,  
Mga kamay ay hindi na namamanhid yaon,  
Sa bawat araw ito'y aming misyon.**

**Sa ilalim ng araw kami'y naglalayag,  
Kasamang tinatahak aming pangarap,  
Sagwan nang sagwan sa ginhawa't hirap,  
Tagumpay rin ay ating malalasap.**



BULONG

# Makikiraan

Borja, Shanah Claire V.  
(BSE-3C)

**Tabi-tabi po,  
Mga nilalang sa kalikasan at misteryo,  
Sa mundong hindi lantad sa mata ng tao,  
Makikiraan po ako.**

**Sana sa inyo ay hindi nakagagambala,  
Ako'y hindi magdudulot ng abala,  
At walang sagabal na dala,  
Huwag magalit, ako sa inyo'y umaasa.**

**Sa daan na tinatahak ko,  
Tabi-tabi po,  
Paumanhin sa inyo,  
Paraanin ninyo ako.**





KUMINTANG

# Bandila'y Iwawagayway

Borja, Shanah Claire V.  
(BSE-3C)




**Bandila'y iwawagayway,  
Hindi patitinag dahil tayo'y magtagumpay,  
Armas ay itaas, digma'y magsisimula na,  
Taas noo na makibaka para sa masa.**

**Sa pagsulong ng kalayaan,  
At pagkamit ng karapatan,  
Panalangin ang maging sandata,  
Sapagkat ito'y may liwanag na dala.**

**Bawat hakbang ay may lakas at galak,  
Sa pagsulong, ang tagumpay ay tiyak,  
Patak ng luha'y simbolo ng pag-asa,  
At pagtulo ng dugo ang hudyat ng paglaya.**

**Ang tapang at pananalig ay magsisilbing gabay,  
Tayo'y lumaban, sa hamon ng buhay,  
Kasarinlan ng bansa, tiyak na taglay,  
Tumindig, makiisa, bandila'y iwawagayway.**



BALITAW

# Tanging Hiling

Borja, Shanah Claire V.  
(BSE-3C)



( Lalaki )

Aking mahal na paraluman,  
Binihag ako ng iyong kagandahan,  
Hayaan mo na ipamalas ang nararamdaman,  
Ika'y dadalhin sa pagmamahalan na walang katapusan.

( Babae )

Kung tunay ang iyong hangarin,  
Magagawa mo bang karagatan ay sisirin,  
Bundok ay lakbayin,  
Upang pag-ibig kong sapuhin.

( Lalaki )

Kayang maghintay, ako'y hindi nagsisigaw,  
Ikaw ang tanging hiling sa bawat sandali,  
Ika'y mapasakin, iyan ang ang tagumpay,  
Ang nararamdaman ay ipagsisigawan nang walang humpay.

( Babae )

Ngayon puso ko'y nagbukas,  
Sana pagsinta'y hindi magwakas,  
Sa ilalim ng butuin ay isusumba,  
Tinatanggap kita, pag-ibig sayo'y hindi mawawala.





DIONA

# Sinta Ko

Borja, Shanah Claire V.  
(BSE-3C)




**Ika'y walang kapara,  
Ikaw lang nag-iisa,  
O, aking sinisinta.**




**Na sa dilim ay tala,  
Liwanag iyong dala,  
Katangi-tanging ganda.**

**Hindi na mag-iisa,  
Dahil nariyan ka,  
Tahanan ko'y ikaw na.**

**Puso nating dalawa,  
Ito ay pinag-isá, (Mahal na mahal kita.**






DUNG-AW

# Hanggang sa Muli

Borja, Shanah Claire V.  
(BSE-3C)




Luhang walang humpay sa pagpatak,  
Sa sakit at pighati puso ko'y nabiayak,  
**Sa iyong paglisan, panaghoy sana ay dinggin,**  
Mahal, ako sayo'y dumaraing.

Katahimikan man ay sumisigaw sa iyong pagkawala,  
Nawalan man ng kanlungan at sinta,  
Ngunit sa oras na itinakda,  
**Tayong dalawa ay muling magkikita.**

Mga alaala mo ay mananatili,  
Nakatatak sa aking puso't isip ay iyong mga ngiti,  
Mga pangako sa isa't isa ay hindi babitawan,  
Mamahalin kita magpakailanman.

Wala man may alam, at hindi man ginusto,  
Diyos ang nagtakda nito,  
Ito na ang kapalaran mo,  
**Paalam, mahal ko.**






**Sambotani**  
**Pagdapo ng Liwanag**  
Borja, Shanah Claire V.  
(BSE-3C)



Kalayaan ay ating nakamtan,  
Sa digmaan, tagumpay napanalunan,  
Puso't tapang ang naging sandigan,  
Para makamtan ating kasarinlan.



Pananalig sa Maykapal,  
Sa bawat hakbang ay kasama ang dangal,  
Pagmamahal sa bayan,  
Inspirasyon na itinatak sa isipan.



Bandila, ating iwagayway,  
Dahil nakamtan na ang tagumpay,  
Pinaalab apoy ng katapangan,  
Mandirigmang hanggang sa dulo'y lumaban.

Katiwalian at kahirapan ay wakas na,  
Imulat na ang mga mata,  
Bansa'y payapa na kaya tayo'y ngumiti,  
Sapagkat tayo ay nagwagi.

KUNDIMAN

# Tanging Ikaw

Borja, Shanah Claire V.  
(BSE-3C)

**Sa lilim ng gabi, sinisilayan ang iyong ngiti,  
Tila liwanag na sadyang nakabibighani,  
Puso'y napapalapit sa bawat sandali,  
Ika'y nagbibigay saya't pag-asaya lagi.**

**Ang iyong tinig, parang hanging mahinay,  
Nagdadala ng payapa sa pusong nalulumbay,  
Pag-ibig sa iyo ay iniaalay,  
Pagmamahal na walang sukat, aking ibibigay.**

**Kaya't sa gabing tahimik, ako'y umaawit,  
Pag-ibig na wagas na sa puso'y inukit,  
Sa ilalim ng butuin pangako'y sinisigaw,  
Ikaw ang tanging mahal, hanggang huling araw.**

**Nag-iisang tinatangi,  
Sinisinta'y ikaw palagi,  
Sa bawat tibok ng aking puso,  
Pag-ibig ko ay iyo.**



DALIT

# Ama: Sa Iyo Ang Kapurihan

Borja, Shanah Claire V.

(BSE-3C)

**Ang iyong kadakilaan,  
Ay hindi mapapantayan,  
Kapayapaan sa iyo,  
Ligaya 'pag sa piling mo.**

**Ikaw ang aking liwanag,  
Pag-ibig mo'y sumisinag,  
Sa hirap at sa ginhawa,  
Laging ikaw ang kasama.**

**Sa sakit at karamdaman,  
Ikaw ay ang kalunasan,  
Amang nagturo ng daan,  
Salamat sa kabutihan.**

**Sa yakap mo'y humihimlay,  
Ang pag-ibig mo na taglay,  
Ito ay tapat at tunay,  
Ikaw Ama't aking gabay.**

ELEHIYA

# Paalam. Aking Mahal

Borja, Shanah Claire V.  
(BSE-3C)



Malamig na hangin na sa balat ay dumadampi,  
Na yumayakap sa aking pagdadalamhati,  
Luha sa mata'y patuloy na bumaba,  
Pangakong pag-ibig sa'yo ay hindi mawawala.

Pagmamahal at pag-aruga,  
Halik, yakap, at kasiyahan nating dalawa,  
Mananatili na lamang na alaala,  
Mahal, paalam na.

Sa akin, ikaw ay biyaya,  
Pag-ibig na walang kapara,  
Ang iyong ngiti na abot hanggang tainga,  
Sa puso't isip ay obra maestra.

Sa iyong paglisan sa lupa,  
Hindi man ako naging handa,  
Ngunit ngayon ay kalmado na't masaya,  
Dahil alam kong ika'y payapa na.

**SONETO**

# Hakbang sa Tagumpay

Borja, Shanah Claire V.  
(BSE-3C)



Ang landas ng tagumpay,  
Ito ay hindi madaling tahakin ,  
Maraming hadlang na susuungin,  
Ginhawa't paghihirap ay mayroong saysay,  
Basta sa pagkamit, panalangin ay gabay,  
Lahat ng saya ay damhin,  
Mga luha't pighati ay huwag dibdibin,  
Ito'y patungo sa pagbabago ng ating buhay,  
Dugo, pawis, luha man ay pumatak,  
Simbolo ito na tayo'y natuto't naghirap,  
Patunay na sa lahat ng problema, tayo'y lumaban.  
Sa huli tayo ay papalakpak,  
Pag-asaya at kagalakan ay ating malalasap,  
Tagumpay ay atin ding makakamtan.



**Awit**

# **Payapang Kanlungan**

Borja, Shanah Claire V.  
(BSE-3C)



**Sa sinag ng araw, pag-ibig ay dama,  
Yakap at halik sa bawat umaga,  
Kanilang pangaral, tila gintong tala,  
Sa landas ng buhay, gabay na dakila.**

**Bisig ng magulang, tahanang sagana,  
Ama't ina at magdudulot ng saya,  
Sa pawis na alay, buhay ay maganda,  
Pagod at sakripisyo , bunga'y ligaya.**

**Mga magulang ko, sa akin ay biyaya,  
Sa ngiti nila, ako ay kumakalma,  
Sa lahat ng bagay, sila'y kasangga,  
Sa kanlungan nila ako ay payapa.**

**Gintong kaloob ang aking ama't ina,  
Walang kapantay, dakilang gantimpala,  
Habang buhay sa puso ko'y mahalaga,  
Mga magulang kong mahal, kayo'y dakila.**





# Oda Ama't Ina: Aking Kanlungan

Borja, Shanah Claire V.  
(BSE-3C)



**Sa aking unang pag-iyak,  
Ay paghikbi nila sa galak,  
Sa bisig ng aking ama't ina,  
Init ng puso'y dama, walang kapara.**

**Mga mata'y nagningning sa saya,  
Sa aking unang hakbang sa lupa,  
Sa bawat yapak sila'y aking gabay,  
Kasama ko sa simula ng aking paglalakbay.**

**Sa kanlungan nila'y ligtas ako,  
Pagmamahal nila'y nagsisilbing lakas ko,  
Ang kanilang tinig ay bulong ng kapayapaan,  
At ang yakap ay pag-as'a't tahanan.**

**Sa dagat ng buhay sila ang aking bangka't sagwan,  
Sa unos sila ang haligi ng katatagan,  
At ilaw sa madilim na daan,  
Kadakilaan nila'y hindi matutumbasan.**

**Regalong handog sa akin,  
Ang aking ama't ina,  
Halaga nila'y hindi mapapantayan ng kahit ano pa,  
Salamat sa Diyos, sa akin ay ibinigay sila.**



RAWITDAWIT

# Sa Pag-abot Mo

Borja, Shanah Claire V.

(BSE-3C)





**Sa buhay na itinao,  
Mga bagay na dae kontrolado,  
Tahong bakong sigurado,  
Nahiling ta ka.**

**Nawaran na ako ning gana,  
Pasuko na ta garo mayo ng pag-aso,  
Dae na ako maugma,  
Pero nag abot ka.**

**Salamat sa Diyos ta itinao ka sakuya,  
Sa panahon na habo ko na,  
Tig la-gan mo ning kulay ang buhay,  
Ag kahulugan ang gabos na bagay.**

**Ika an gabos saku,  
An liwanag ag kusog ko,  
Salamat sa buhay mo,  
Naging panatag ako, sa pag-abot mo.**





## TULANG PASALITA (SPOKEN POETRY)

# Sa Bawat Pisara

Borja, Shanah Claire V.  
(BSE-3C)

**Guro... Guro... Guro...**

**Ang pagiging guro ay madali raw pag-aralan,  
Propesyon na hindi kabigatan,  
Pinipili kapag wala ng pagpipilian,  
Iyan ang mga katagang palagi kong napapakinggan.**

**Guro,**

**Ang pagkakakilala nila sa mga guro ay may kamalian,  
Guro ang tumutulong upang pangarap ay maisakatuparan,  
Humuhubog sa pagkatao at kabutihan,  
At nagbibigay sa mga mag-aaral ng kaalamahan.**

**Guro,**

**Ang buhay ng guro, isang hindi matitinag na kuwento,  
Na ang layunin ay magbigay aral at magturo,  
Sa liwanag at dilim ay hindi humihinto,  
Patuloy sa paggabay, upang bawat bata'y matuto.**

**Guro,**

**Ako ay guro sa hinaharap at nagpapakadalubhasa,  
Ang mga guro sa akin ay biyaya,  
Sila'y inspirasyon, kung bakit ito ang aking propesyon,  
Tulad nila, pagtuturo ay ang aking pangarap at misyon.**



TIGSIK

# Tigsik sa Dapat Tropa Lang

Borja, Shanah Claire V.  
(BSE-3C)

Tigsik ko ining tropa,  
Pirmi na akong nakangirit pag nahihibiling siya,  
Grabeng tawa sa suba niyang kanus-kanos na,  
Inaanap-anap kapag mayo siya,  
Garo ini ay iba na.

Tigsik ko ang mata niya,  
Magayon hilingon kuta,  
Pero mayong paghiling sakuya,  
Ay igwa palan,  
Pero hanggang tropa lang talaga.

Tigsik ko ang ngirit niya,  
Nag huhugis puso an sakong mata,  
Garo ako nakalutang pag nahihibiling na,  
An saiyang tawa garo tugtug sa talinga,  
Masiramon pag para dangugon na.

Tigsik ko ang pagkamuot ko sa iya,  
Aram kong tropa lang kita,  
Ta iyo man iyan ang pinapamati mo sakuya,  
Dae man ako mahangad pa ning iba,  
Aram ko man na abot lang duman talaga.

Tigsik ko ang pagiging mag tropa,  
Kontento na ako kani,  
Dawa iba na ang namamatni,  
Na padangat ta ka,  
Higit pa sa tropa.



TULANG MODERNISTA

# Mundo ng Teknolohiya

Borja, Shanah Claire V.

(BSE-3C)



**Teknolohiya'y handog ng talino't galing,  
Mundo ay nabago,  
Nagkaroon ng mabuti't masamang epekto,  
Abot ang kaalaman, sa bawat segundo.**

**Sa pag-usbong at paglawak nito,  
Buhay ay guminhawa, gawain ay gumaan,  
Ngunit sa pag-unlad, problema'y sumulpot,  
Mga ugnayang totoo'y tila natakpan.**

**Ang mga oras sa pamilya ay nawala,  
Bagong tuklas ay naging sagabal minsan,  
Sa halip na magkaisa,  
Tayo ay nagkanya-kanya.**

**Teknolohiya ay biyaya,  
Ang layuning mabuti ay gamitin sa tama,  
Teknolohiya'y sandata ng makabagong mundo,  
Kung wasto ang gamit, proseso'y sigurado.**





MALAYANG TALUDTURAN

# Ako: Solusyon at Pagbabago

Borja, Shanah Claire V.

(BSE-3C)

**Ako ang tinig na humihiyaw sa lilim ng araw,  
Na ang mata'y puno ng tanong,  
At ang bisig ay pilit kumakawala,  
Sa mga kadenang umiipit sa aking mga pangarap.**

**Hinahabol ko ang hangin ng pagbabago,  
Ngunit sa bawat hakbang ng aking mga paa,  
Ay may nakaharang sa daan,  
Paano ako makakausad nito?**

**Ang bulok na sistema ay tila agos ng tubig,  
Hinihila ako pababa,  
Ngunit ang pangarap ko ang magliligtas sa akin,  
Upang bumangon at pagtagumpayan ito.**

**Ako ang pag-asa ng bayan,  
Ako ang kinabukasan,  
At sa aking mga palad,  
Ang bagong mundo'y mabubuo.**

